

觀象居易傳箋

觀象居易傳箋卷第三

象傳上

爻辭周公所繫也。傳不稱爻而稱象者。以凡六爻之前俱先總揭一卦之旨。而皆以天地雷風水火山澤之象而言。故謂之象。夫易者象也。象辭每別取象。不及雷風水火山澤。故曰象者。林也。此所謂象。正指義卦。其所以不列於象傳者。象是總言。一卦不當表異於文。玉爻乃分言各爻。卽一卦而爻象各異。故可以義卦之本象冠之也。

三三。天行健。君子以自彊不息。乾爲天。重乾不可云二天也。故言天之行并不云乾而云健者。天不可學。而天德之健有可學。學通上下。故稱君子。六十四卦中。惟剝稱上。離稱大人。泰姤二卦稱后。比豫觀噬嗑復无妄渙七卦稱先王。而稱君子者。五十三卦皆言學也。以者。以乾之健也。天有動而無靜。故曰健。人有動有靜。故曰

觀象居易易箋卷三

彊彊在自息亦由於自息卽與天不相似矣蓋自彊者以乾不息者以重乾也

初九潛龍勿用

潛龍勿用陽在下也。龍之形有九似背具八十一鱗能與巨細細高高下下水物而天類也故乾象取之初在地道之下地中有水象潛陽生於陰冬至之象勿用非不用也用有其時也

九二見龍在田利見大人

見龍在田德施普也。在地之上者莫有用於田龍見田則雲行雨施其利普矣普不言於五而言於二者二効用於五若五則堯舜猶病焉陽德主施惟著於承行君令之二也伏離爲見象言利見之占皆指九五而二稱利見爲乾二所獨是匪龍德曷克當之

九三君子終日乾乾夕惕若厲无咎

終日乾乾反復道也。行健之學見於三學無象故稱君子伏離爲

日內卦已終日昃將夕兩乾之交曰乾乾曰日乾夕日惕者日有  
爲而夕無事也惕若者不必可惕之事而始惕也乾惕何以危乎  
乾惕存於心而危厲著於貌君子無時不學所以無時不危三居  
下終似若德成而無用憂危者豈知君子朝夕之間惟恐其道心  
或去而不反往而不復故傳曰反復道也文言傳曰雖危無咎正  
謂惟危乃得無咎也內三爻初言陽質也二言德體也三言道用  
也

九四或躍在淵无咎

或躍在淵進无咎也 外卦伏坎象淵震體爲足而動故象躍用足  
則非龍象也在水亦非人象也進者進及上近乎天也凡躍者起  
而旋止於進爲不遽進或乃疑象人有束身謹行於平素及得志  
而改易所守者亦有始仕猶知惕厲及居高位而不自知非者惟  
其自信不疑故也君子進德修業不敢自信雖身已進而乾惕與

未進時無以異故其能無咎亦歷顯晦如一也無咎獨言於三四者三多凶四多懼易以取咎咎總以厲而無也

九五飛龍在天利見大人

飛龍在天大人造也古飛字作非小過兼畫之坎象之小過飛有上下故全象僅成一鳥純乾以五為主當伏坎之中在天位之下而爲天之子以聖德稱大人爲物所利見造者造其極也

上九亢龍有悔

亢龍有悔盈不可久也上爲乾值月之交過此卽陰生矣亢漢書作炕凡陽屬火火炎上勢無長炎悔者悔其亢也震无咎者存乎悔盈不可久明所以有悔之故道何以久惕則不盈不息則久也

用九見羣龍无首吉

用九天德不可爲首也用者行也九者健也用九卽行健也陽爻百九十二皆爲龍龍以爻動而見首者主也卽首出庶物之首羣

龍皆効命於天。是天爲龍之主宰矣。而天之德無爲而成。故曰无首。舊解謂神龍見尾而不見首。見尾於義何取乎。

吉凶悔吝生乎動。吉一而凶悔吝三。似得吉爲難矣。乃觀繫辭莫多於吉。若凶則不敵吉之半也。悔少於凶。吝少於悔。聖人設教論其理耳。得理爲吉。失理爲凶。豈論利害哉。乾坤二卦之中有吉無凶。有悔無吝。此聖人所以告所以斷也。

地勢坤。君子以厚德載物。地以勢言者。地無論子午卯酉。凡面之所向皆爲南。背之所負皆爲北。故地爲人之下。太虛之中。此其勢也。坤不稱順。與健異者。自地以外皆天。不得以乾例也。自強者。通乎晝夜之道。行此道而有得爲德。惟民生厚。薄者非德也。有容德乃大。故言載。德必及人。故言物。物無不麗於地者。地德卽天德也。厚以坤。載以重。坤曰厚。曰載。就地道言也。

初六履霜堅冰至

履霜堅冰陰始凝也。馴致其道至堅冰也。坤值十月。前此九月霜始降矣。初去九月未遠。霜訓喪亡。乃剝之象。初在地道。巽體爲股。象履。十月冰始壯。上六值月之交。當之初之所履。但霜耳。初一變爲復。而仲冬冰益壯。再進爲臨。而季冬冰方盛。水澤腹堅。堅者剛也。冰至於堅。上六且不足當之。而初何有此象乎。陰未從陽。凝而不化。馴者順也。其道與上六其道窮之道不同。上六之道。坤道也。此所謂道乾道也。陰之變陽。自初始。是水之至。乃由初以至也。易取象於冰者。獨此一爻。而說卦傳曰。乾爲冰。冰之是乾而非坤。聖人蓋明示之矣。

六二直方大不習无不利

六二之動直以方也。不習无不利。地道光也。乾之動也直。坤何云直乎。坤之資生。生於動。坤動以闢。而直行乎其中。二爲卦主。故言六二之動物直則方。其方由直者以之也。大者坤以虛中含乾元。

之大也。二動則變坎而二爲離。體離與坎反。故坎須習而離不待習。習者惟恐其有不利也。不習者自然無不利也。坤道之含物化光者在離也。易爻稱无不利者十有二。其義有二焉。若坤六大有上謙六五臨九晉五鼎九巽九之七卦。乃無所不利。謂所利非一端也。若屯六四剝五大過九遯九解六上之五卦。則僅免於不利而已。六三含章可貞。或從王事。无成有終。

含章可貞。以時發也。或從王事。知光大也。坤利在二。貞在三。而三但曰可貞者。貞見於章。章山二之大而著。必進至五。乃著黃裳。三進於二。章已發矣。猶在內卦。發有未盡。其章猶含。顧其時則已當可矣。王者帝也。從王事者。致役乎坤也。貞於人爲智。始從事而能必其事之成。非智者不能。三於內卦已成矣。已終矣。三在臣位。事之成。歸功於君。是無成也。君之事。考成於臣。是有終也。無與有。非兩事也。所以行其智者。若是其光明正大也。三當伏坎之中。水月



內光故云光大。事要於成而曰無成。事未及終而曰有終。故或之也。他卦若訟三六謙三九睽三六鼎三九之終吉有終皆此義也。

六四括囊无咎无譽

括囊无咎慎不害也

坤虛主受。坤爲布而兩合之。囊象也。巽繩交

於兌口。所以括也。五文三章有譽矣。上窮有咎矣。括囊過於初之凝反乎二之動。慎之至也。傳言无咎不及譽者。時當閉隱有譽卽害隨之。是無譽適得無咎也。

六五黃裳元吉

黃裳元吉文在中也

人身之文見於外者莫如服裳。順於下。坤土

色黃。三之章至五乃暢發矣。而要惟中含乾元乃得之。曰元吉者兼有亨利貞者也。爻辭於元無不繫以吉。而悔吝不得參之者也。上六龍戰于野其血元黃

龍戰于野其道窮也

坤爻至上而窮猶之乾上爲窮之災也。而循

環不窮之道。卽於窮得之。則以龍之自野來戰也。坤值十月。上六兌體悅。言乎兌戰乎乾。龍者乾也。野屬地道。陰陽皆窮。易窮則變。伏坎爲血。兩窮而元黃之血雜焉。過此卽一陽來復。龍戰見於上。而元黃自在於初。龍戰乃細組構精之象。元黃乃化醇化生之象。說卦傳獨以震爲龍者。此龍也。爲元黃者。此元黃也。水則初爲上。言之龍則上爲初。言之曰水曰龍。復其見天地之心乎。

### 用六利永貞

用六永貞以大終也。六者順也。用六者時行其順也。陰爻百九十

二皆以用其六爲利。永者健也。坤之貞乃得乾之大以有終也。

三三三雲雷屯。君子以經綸。坎不爲水而爲雲者。凡異風離火與雷

相資。艮山上下皆雷所在。坎兌同體。澤中可以有雷。而水則難言

也。亦不爲雨者。雨已施而雲尙行。故坎在下爲雨。而在上爲雲。雲

雷皆氣所聚。是謂屯。經象震之上分以動而分也。給象坎之中合

以矯而合也。君子所以濟屯也。

初九磐桓。利居貞。利建侯。

雖磐桓志行正也。以貴下賤大得民也。初爲屯主。動遇坎難。故磐桓而不寧。震木艮石。桓柱依磐而立。身雖不寧。而坎志正。則震行亦正也。震內坎外。皆以得位爲正。上下者貴賤之等。初來自觀而爲侯。降異命以撫庶民。莫貴於天位之上。而下於地道之下。處貴如是。有不得民者乎。大得者大其陽剛也。

六二屯如遭如。乘馬班如。匪寇婚媾。女子貞不字。十年乃字。

六二之難乘剛也。十年乃字反常也。二自臨來難。若由二生者。故曰屯如。下連磐桓之初。若有不勝遭遇者。故曰遭如。震剛爲馬。而二以柔乘。易凡言乘剛者皆震也。班者車以次行。乘馬卽是乘車。漢謠云。車班班是也。乘馬之象。每間一爻卽得之。班班然也。坎盜爲寇。坎難以互艮而止。二五往來以相應。爲婚媾。二在臨坤。未交。

於陽是稱女子。貞者常也。坤貞於何見之。互坤爲腹。元黃在初而二互坤不孕字也。初二三四積數十年。艮將反而爲震矣。曰乃字者。爻無字象也。

六三。卽鹿无虞。惟入于林中。君子幾不如舍。往吝。

卽鹿无虞。以從禽也。君子舍之。往吝窮也。三在震終艮始。未入於坎。震雷主殺。鹿爲山獸。凡田獵得獸之多者。莫如鹿。性純陽而善決驟。其迹速而不瓜。皆震象。虞者司獸之官。陰以陽爲官。三承乘皆陰。是無官而身自卽於禽荒也。震坎艮之木成林。三有從上之義。而在遠實之地。入林中而坤迷失道也。伏坎爲智。艮石知幾。勿用往以犯難。震互艮。故象舍。又象往。有所入則無可往。在內卦之終。故言窮。窮以明不如之故也。吝。乃象辭所無。周公創例也。

六四。乘馬班如。求婚媾。往吉无不利。

求而往。明也。四乘震馬之上。而與初正應。非二之適如。上之連如。

可比矣。卦來臨觀，有與求之義。求者，初求四也。往者，四往初也。求而往，婚媾之象。水月內光，得陽而明，故吉。吉則不利，可免矣。卦義勿往而有當往者，獨四一次是不必以外往為往也。

九五屯其膏，小貞吉，大貞凶。

屯其膏，施未光也。臨二進五，兌澤蒸雲，將施為雨。詩陰雨膏之是也。坎雨互艮而止，屯膏象也。處常為小事，濟難為大事。貞謂常屯也。艮陽稱小，小貞吉者，制度也。坎中未大，大貞凶者，內未也。夫澤必施，乃可謂之膏。坎艮皆有光者，在屯則雖施亦未光耳。

上六乘馬班如，泣血漣如。

泣血漣如，何可長也。坎為馬，為輿，上自臨初往居五，上有乘之象。應在三，而三舍而不輔，上獨乘剛而不寧。坎憂故泣，上當坎口之缺，坎互伏坎於血卦，為相續不絕而漣如也。不言吉凶，悔吝者，蓋深望其能自拔也。此與否終則傾有同旨也。

三三山下出泉蒙。君子以果行育德。坎象又爲泉者。坎水爲天一所生。山之出泉。其理同於金之生水。金石同出於土。石乃土骨。陰行陽長。堅則爲石。而水從石以生。如人身之有骨節。必通髓路也。山有至高而泉在山頂者。泉有掘井九仞而猶未得者。卦獨取於山下。則以泉在山半。及在下者爲多。艮互坤而下。坎互震以出。天下水有三億三萬三千六百。無一不發源於山。山泉所以象童蒙也。果確其行。法坎之互震。育養其德。法艮之互坤。自治治人同也。初六發蒙。利用刑人。用說桎梏。以往吝。

利用刑人以正法也。初爲始發之泉。泉旣發。又賴有人以發之。是謂發蒙。刑人者。典型之人。二以陽剛當人位。是也。桎梏者。氣拘物蔽也。震足艮手。坎互伏離以械之初。未入震艮之體。故脫脫乃兌象。初本臨坤之兌爻也。用刑人。用九也。用脫桎梏。用六也。坎爲法律。坎智於四德爲貞。習與正人居。不能無正也。自臨往者爲上九。

上亦陽剛可法者。初與上易。故有欲從之象。然不以正而以往。則舍發蒙之善誘。而就擊蒙之苦難。吝道也。

九二包蒙吉。納婦吉。子克家。

子克家。剛柔接也。二自觀之。天道而下。以剛中爲卦主。羣蒙所求。陽包陰。天包地。包蒙象也。二與五易而相應。男下女。其象納婦。坎水納衆流也。艮爲門庭。震子主器。克家之子。卽納婦之夫也。傳凡言剛柔接際。多是坎象。蓋陰在陽中。則陰爲陽用。而陽動於下。止於上。又失其中。惟坎剛得中。乃有爲也。

六三勿用取女。見金夫。不有躬。无攸利。

勿用取女。行不順也。三之應剛與五同。而震動不及於上。水性潤下。有舍上從二之象。二包羣陰。象疑於取。而戒以勿用者。正應爲婦。非應爲女。坎水生於乾金。而金又生於艮土。三當以艮爲夫。二在觀互艮。故三以夫視之。互坤伏離爲見。三在觀亦互艮。艮爲躬。

既易則艮不及三失其艮止之義卦在利貞不貞則利於何有其所以失坤貞之順由其震行而失之也爻獨三不言蒙者陰求於陽之道在童蒙則順在取女則不順是以別爲之象或謂與姤義同者未必是也

六四困蒙吝

困蒙之吝獨遠實也陽一而實四則上下比陰艮石坤土積於水上震動至極而石土下填猶之澤無水而成困四之自遠於陽乃四所獨也占爲吝尚望其困而學也

六五童蒙吉

童蒙之吉順以巽也五以應二爲童蒙蒙求者也二自觀以巽陽下來坤順之中五自觀以坤陰上往巽順之體五又互坤其巽不可見而其順以巽者可見故六爻皆爲童蒙而童蒙之吉惟二也上九擊蒙不利爲寇利禦寇



利用禦寇。上下順也。凡雷自下而起。遇剛則擊。益上。或擊之。是也。上以艮手執木石。於蒙爲擊象。似與益上義異者。雷之起。自下而上。而所擊之物。固在下。艮乃反震。故蒙上爲雷之擊人。非若益上之被擊於雷。象各有取。擊則失數。教在寬之道矣。下五爻連體成師。由上與初易而得之。卦惟兩陽。上以艮土剋坎水。而有寇象。師象不及於上。不利爲寇也。坎寇互震上行。艮止於外。所以禦也。不爲寇者。屏夏楚而善誘。寬以教人。利禦寇者。出銳力以攻私。嚴於律已。其身正。則蒙之求者。既順乎二之在下。亦順乎上之在上。明其有利。有不利。而養蒙之貴。以身教。可見矣。

三三雲上於天。需。君子以飲食宴樂。雲雨之屬。皆因於日而生於地者也。水土之塊。太陽曝之。地溫。則濕氣上蒸。結成雲。而雲化雨。乃復於地。水天之卦。中互兌離。火在天上。氣下達於地道。而澤氣自下而升。其升仍挾火性。方其上升。但成雲耳。故曰雲上於天。需。

君子將用於世。此雲之上於天也。未遇其時。亦雲之未成雨也。兌口離腹。悅澤樂天。宴者樂飲也。坎水於飲爲多。雲成雨而萬物飲之以生。食亦不能離乎飲也。

初九需于郊。利用恆无咎。

需于郊。不犯難行也。利用恆无咎。未失常也。初去險最遠。邑外爲郊。於郊非不行也。坎水流濕。初以未入互兌。而能不犯耳。震巽成恆。初剛震體。必變柔。始爲巽。初無所往來。豈有恆象。而求其无咎。則利在用恆。震究爲巽。乾恆易以知險。此道未失。亦在用九而已。九二需于沙。小有言終吉。

需于沙。衍在中也。雖小有言。以吉終也。沙乃水旁之土石雜者。下平日衍。水汨之使平也。二於兌當壅坎之爻。在乾當坎位。兌地剛鹵寬衍。坎祗既平。凡水岸偏陂而下。二則猶在平衍之中也。需求濟險。卦與既濟異者。在二之一爻。既濟之二柔中。故小利貞。需二

互兌不免小有言也。然以剛中得終吉亦異乎既濟之終凶也。

九三需于泥致寇至。

需于泥災在外也。自我致寇敬慎不敗也。沙粗而重泥細而輕水過則沙澄而泥濘故近水見沙再近見泥坎雖在外卦而三已交坎坎水下注因兌口而流濕坎爲盜有若誨盜者外來曰至中孚三與上易坎象乃成寇因三所自致也。災從火水火皆稱災三互離火火爨金水滅火皆以敗之。乾三因時而惕傳特勉以敬慎也。六四需于血出自穴。

需于血順以聽也。坎血三坎所同而四獨象之者血體陰而用陽三當互離之陰也。血行不滯無需可言。四與五自大壯往來血當指五而需者在四四乃坎下之穴而云出者五自大壯之四而出也。血待氣以行五上往而四順於下傳特曰順以聽明血出之非傷也。

九五需于酒食貞吉

酒食貞吉以中正也。卦之貞吉在五。所謂君子以飲食宴樂者。惟得正故需不爲事之賊也。彖傳曰正中。卦義重貞也。象傳曰中正爻位重中也。

上六入于穴有不速之客三人來敬之終吉

不速之客來敬之終吉。雖不當位未大失也。上不稱需上無可需也。中孚外巽。巽陽入內卦而五陷坎中。五之入穴由上而入也。乾三畫別體爲客。需取雲上故言來。速者召也。上在中孚爲兌口。既易而象隱故不速。不速亦需義也。三乾以與五同德而來上已過五之天位五得則上失矣。坤德主敬陰能敬陽故雖失而未大失。夫未大失則猶有失也。故必要其終九二之以吉終終於上也。

三三三 天與水違行訟君子以作事謀始。荀氏以天西轉水東流爲解。後魏游雅陳奇已疑而論之而未悉其蘊。蓋水氣之蒸爲霧騰

爲雲者。挾火性而乘風以上行。中互離巽是也。所積者薄。則爲日。燠風散而消。所積者厚。則化爲雨露而降。水於天。原不能以相依。而坎與兌。更有不同者。兌水壅。則氣聚而升。坎水通。則氣散而渙。兌悅坤陰。而坎陷乾陽。履訟所以分也。違行。蓋以水之形質言。水由地行。而有與天相接之勢。若相抗而訟者。然水氣之不上行。實由天氣之不下濟。非水違天。乃天與水違也。違未卽爲爭訟。而凡訟必因於違。故事當謀之於始。水從天一以生。知所自始。而復見天心矣。豈特無訟乎。作事者。坎之流行。謀始者。乾之知始也。

初六。不永所事。小有言。終吉。

不永所事。訟不可長也。雖小有言。其辯明也。訟以健成。故初與三。皆以坤貞終吉。而不言訟。中孚初與四往來。不能無所事也。四不克訟。故其事不永。不永者。不可永也。訟以言爲事。雖不永。已有言矣。旣不永。則言亦小矣。陰故小也。訟非一人之言。故曰其辯其拾。

坎辯指離坎離以易而成辯明在初故要其終也

九二不克訟歸而逋其邑人三百戶无眚

不克訟歸逋竄也。自下訟上患至掇也。初僅稱事二已成訟二爲訟主也。歸者自訟所而歸逋三來二互離則知訟之患是以不克也。鼠入穴爲竄逋艮爲鼠象言逋傳言竄者逋脫其身卽竄歸其邑邑人乃坤象二在人位稱戶坎爲多眚二三自逋往來不出下卦之三爻三百戶無一眚也。上下謂上下卦掇從手艮之象也。此二句蓋反言之言若以坎訟乾則坎陷之患必不危乃明所以歸逋之故耳。

六三食舊德厲終吉或從王事无成

食舊德從上吉也。德者貞德坤已成坎則坤貞爲舊德坎三居離腹之中爲食遯二往陷於坎故危從乾故吉吉由於艮有順從之義也。三不言訟然非無事也乾爲王從乾則事皆王事其文

與坤三同而有不同者。訟三已終吉而又無成。惟在訟卦。故義以無成爲重。初曰所事猶一身之事耳。三曰王事三之吉。有非訟之終吉所能盡者矣。

九四不克訟復卽命渝安貞吉。

復卽命渝安貞不失也。凡事兩不相下則有爭。此強彼弱則自止。四與二皆以與陰易而不克訟。命者天命。四來自中孚之三。乾坎相接爲卽。陰卦本皆乾體。若往而復。乾初震爻又象復陽以乾爲復命。猶之陰以坤爲舊德也。乾健非訟所宜。渝者變也。四變巽則之渙而散矣。安貞吉者坤德也。旣復於乾又變於坤。變似不循天命者。故傳特明其不失。易不以變爻取象。惟言渝方取變義。若豫之成有渝。隨之官有渝。皆是也。

九五訟元吉。

訟元吉以中正也。

卦無元德而五元吉者。五由四之安貞以起元。

也。五在君位。非聽訟者。而訟乃君事故。直以卦名歸之。傳曰。以中正。卽在無訟之朝。其所以使無訟者。非君使之。孰使之乎。象所謂利見者也。

上九。或錫鞶帶。終朝三褫之。

以訟受服。亦不足敬也。中吉在五。終凶在上。上處卦終。乃訟之已過者。故不言訟。且於訟有得志之象焉。遯有黃牛之革。中孚象兼畫之離。巽繩繞於離腹。坎之音革。坎又爲曳。其象鞶帶。上出互巽之外。君命已出。而物授在人。故爲錫。然帶錫由訟。此非中正之主所當錫也。故或之。褫者解也。離日互巽。當辰巳之間。爲終朝。屢束屢解。矜喜誇耀之至。卽終朝已然矣。於乾畫在三。故言三。伏坎加憂。而乃見喜象者。乾上知進知存知得。而不知退亡喪者也。傳曰。不足敬。雖不凶。有凶之理也。訟爻皆取其不訟。而上獨以訟得志。故言亦也。



三三。地中有水。師。君子以容民畜衆。水未有無旁無下者。地中卽地上。師比何以分焉。地中者。水藏於內。其脈自通。地上者。水顯於外。其流有域。且也。師互震。比互艮。止於上而爲主。則建國有君。君當處尊也。動於下而爲主。則行師有將。將常處後也。井田之制。五溝五涂。以水佐耕。卽以水佐守。而師衆由此出焉。民衆謂坤容畜。謂坎師者衆也。用師猶云用衆。若謂君子但知養民而不稱兵。則猶是後世以人爲兵之說矣。卦象取坤容畜。乎坎象義。則取坎容畜乎坤也。

初六。師出以律。否臧凶。

師出以律。失律凶也。復初往二。坎陽由初以出。故師出於初言之。師出有律。周禮大師執同律以聽軍聲而詔吉凶。爾雅曰。坎律銓也。律乃將之所定。初在下。從律順令。師之臧者也。陽善爲臧。互震不及於初。於五陰中。又若失伍者。卦惟初與二往來。陽上陰下。卽

二爻而有天地否之象。吉在二則凶在初矣。初象兼有以律失律二者。坤初兼積善積不善之義也。

九二在師中吉无咎王三錫命

在師中吉承天寵也。王三錫命懷萬邦也。二自復往得中以成師。故曰在師中。彖所謂丈人吉無咎者。二克當之。天所付爲命。陽施爲錫。合一再索成三。乾爲天爲王。故曰天寵。二自下而上有承之義。曲禮一命受爵再命受服三命受車馬。長子建侯乾衣坤裳坎與震馬二兼有之。旣吉矣又必要諸無咎焉。懷萬邦則所以無咎之故也。

六三師或輿尸凶

師或輿尸大无功也。坎陽在三之下坎固爲輿而三象輿尸者三無死象且師初出未遽陣亡也。三爲卦之小人坎陷至終積土在上生理絕滅雖未臨陣猶之行尸故或之也。古死事之臣有戰敗

身亡而其捍禦之功不可泯滅者三雖生亦凶故傳特斥其大無功也

六四師左次无咎

左次无咎未失常也 四在動末而別體於坎兵家尚右四乃退舍於左爻以下爲左四在坤下伏坎爲夜由一宿之舍再舍之信以至過信而爲次矣所以無咎者兵法先爲不可勝二四同功待命於二猶於師律之常未失也

六五田有禽利執言无咎長子帥師弟子與尸貞凶

長子帥師以中行也弟子與尸使不當也 乾二在田四時蒐苗獮

狩皆曰田義去害稼之禽獸坎豕震鹿田之禽也有者獲也五以

應二而有之也執者執而奉之王者神武不殺利在聲罪致討而

已震雷爲言坤柄爲執田戒禽荒故必要諸無咎五乃將將者二

以相應而使三以同功而使而長子弟子異焉中男爲弟長子剛



而水仍潤入於地。故爲比。地以水分疆界。國之建也。立侯以治國。侯之親也。曰萬曰諸。五陰也。曰建曰親。一陽也。侯國自古有之。故稱先王也。

初六有孚。比之无咎。有孚盈缶。終來有他吉。

比之初六。有他吉也。比之者。比五也。故五曰顯比。而五陰則皆曰。

比之。坤土主信。卦始於初。其孚結於比之之先。是能以有孚比之。

也比近於私。必有孚。乃能無咎。爾雅。蓋謂之缶。其器以火燒土而。

成。內坤。伏離象。缶。坎水之法。先下後上。初卽曰盈。以盈爲期也。易。

義。凡陰陽互相指爲他。五爲卦主。應二乘四。與三同功。與上互易。

盈。缶之吉。以次而來者。皆在於他。似於初無與。而實皆自初之有。

孚以積也。知有初之必有終。則知無終之由無首矣。初之吉。要其。

終上之凶。原其始也。

六二。比之自內。貞吉。

比之自內不自失也。二與五應內者自內卦而比之也。貞者坤德。貞則其所以自內者也。二五互剝恐失其貞。故傳曰不自失。明其不待外求也。

### 六三比之匪人

比之匪人不亦傷乎。三亦比五者。三當兌爻。有小人象。乎非初也。應非二也。從非四也。人兼衆陰而言。三於人非若初二四之爲人也。傳曰傷傷其無初二四之吉。僅以不處後而得免乎凶耳。

### 六四外比之貞吉

外比於賢以從上也。外者外卦。四應在初而與五最近。乃不內比初而外比五。則以五爲正中之賢也。其貞吉與二之自內者同。二以身許人。但曰不自失。四能致其身。故曰從上也。

### 九五顯比王用三驅失前禽邑人不誡吉

顯比之吉位正中也。舍逆取順失前禽也。邑人不誡上使中也。五

爲衆所比者。剋艮。光明易比。則艮光下。被兼水月之內光。是謂顯比。比乃師之反。故田禽之取象略同。五位天德。以中正稱王。師坎在內。故有禽。比坎在外。故失禽。艮止異於震殺。故但用三驅而不合圍。周禮士師疏引鄭氏及隋書禮儀志所載冬狩之禮。可徵古制也。艮手倒震爲擊。艮互二坤得三數。惟不用坎。坎隱伏與顯義背。但爲輿馬而已。下四陰承剛則順。上一陰乘剛則逆。艮止爲舍。艮手爲取。上自剋往。已背於五。是爲前禽。論比輔則上爲後。論順逆則上爲前。蹇險在前。是也。上當坎口。逸而失矣。邑人謂羣坤陽施天命爲誠。坤順故不待告誠而從命。書云。民心罔中。惟爾之中。此有使之者矣。彖繫吉於邑人句下。似指邑人。故傳特明之曰。此顯比之吉也。

上六比之无首凶

比之无首无所終也

上則比之後。夫也。上爻象首無首者。乾德也。

上陰則當順從乾首乃自剝艮上往坤迷失主有濡首滅頂之凶非坤以大終之義也傳曰無所終望其能收非料其無成也

三三風行天上小畜君子以懿文德風者陰氣爲日所曝而煖煖性上行遇火氣則激而橫散其根於日者與雷雨同而其異者雷雨而風勢出也曝陰激火乃中互兌離之用出於地上卽行於天上風無久在天上者勢不得久故爲小畜陽大陰小文德者坤爲文卦惟一陰而巽離兌三陰皆具章美內含有陰畜於陽之義懿則所以矢其文德者也

初九復自道何其咎吉

復自道其義吉也姤用巽復用震乾初震體有復之象道者乾道初與四應疑失其乾道而四未入互兌其能復者乃其自道而行也樂行憂違斷之以義道義所在無不吉者雖應何咎也

九二牽復吉



牽復在中亦不自失也。二與四雖隔已與四互兌爲巽繩所牽矣。惟在乾之中爻故四雖牽而二自復。二有休復下仁之義雖非自道亦不自失其與初似安勉不同而其吉皆在復也。

九三與說輻夫妻反目

夫妻反目不能正室也。至三則有牽無復矣。乾馬爲輿輿之利用在輻輻圓而虛中互離之象兌毀則輻脫而不可用非若脫輹之不見用於人也。考工記曰輪輻三十以象日月又具陰陽之義三。四皆在內道內外體比三陽夫也四陰妻也中爻互睽睽從目乖異形於目也離爲目巽爲多白眼巽反爲兌其象反目反目未卽爲凶三至上互家人家道夫爲妻綱傳故責以正室也。

六四有孚血去惕出无咎

有孚惕出上合志也。四自夫來而下於五柔順乎剛上五爻連體中孚故四五皆云有孚四以一陰在五陽中陰盛則龍戰而其血

元黃若其未盛。小人未有不畏君子者。君子無害小人心。而小人不能無畏君子之心。于是心疑而釁起。不孚故也。九五孚於衆。陽并六四之陰。亦無疑畏。故於四特著其有孚。其志能與上合。卽在上者可知也。坎爲血卦。又爲加憂。坎水壅於兌。先得陽也。坎血出於巽。先得陰也。有孚由於惕出。惕出驗於血去。旣破其疑。卽釋其壅。去非傷其肌。乃通其脉耳。志合則小人可化。豈以畜陰取咎哉。

九五有孚。孚如富以其鄰。

有孚。孚如不獨富也。五位剛中。其有孚不僅在四。陰且有孚。陽自無所不孚矣。其象。孚如巽繩之結也。陽實爲富。諸陽間於一陰。稱獨。君子有獨富之心。而小人乃得乘間以入。究之君不能獨富也。鄰者。臣也。君不獨富。則其鄰亦富。乃五之有孚者以之也。此猶解之有孚於小人。其富亦猶解之朋至也。

上九既雨既處尚德載婦貞厲月幾望君子征凶

既雨既處德積載也君子征凶有所疑也上自夫兌易四又互兌

巽由上易而成倒兌澤自天道而降是雨也卦以不雨而尚往既

雨則往者可處矣四五之有孚者雨也五之不獨富者處也故皆

云既也然非以既雨而遂可安處也地之職載必有陽德積於所

載之中而雨乃得以時施行尚卽尚往之謂尚德載又所以爲後

來尚往之基也其故何哉上與四易而互家人故與三之比陰俱

取陰陽之義相敵稱妻相順稱婦巽陰得位婦之貞者貞則知阻

而危危在德之不積耳上於中孚當翰音登天之爻故下亦有月

幾望之象坎兌同體故兌亦象月月受離光而生明於西由西及

南而滿於東月之體也出巽東南中於離南而落於兌西月之行

也幾望者兌未成坎合之歸妹中孚皆同也曰厲曰幾乃所以尚

德載之故也但尚往非妄動之謂故象曰征而傳曰疑疑與孚反

征與畜反。陽稱君子。君子征者。陽自爲征而不德載。不能無疑。是以凶也。

三三上天下澤。履君子以辯上下。定民志。地爲天包而配天。否不可曰上天下地也。坎得天氣而行地。訟不可曰上天下水也。澤壅坎而現地。滯於方隅。八卦始乾終兌。兌與乾接於西北。上下之辯。莫辯於天澤矣。人身莫上於首。之所親。莫下於足。之所履。在上之尊。不待言也。巽離兌三陰爲民。民不安於下。由於志之不定。君子故辯以定之也。

初九素履往。无咎。

素履之往。獨行願也。兌以悅爲事。而履道貴剛。宜取咎矣。乃初自姤三而下。不失乾剛之素。往對上之。其旋而言。履以不處爲義。傳曰。獨行願者。初與三易。而其願不同。故爲獨。獨故無咎也。

九二履道坦坦。幽人貞吉。

幽人貞吉中不自亂也 二在地道之上爲履道凡道旁則賊中則平二得中故坦坦剛幽之地寬廣也兌西爲幽中爻爲人初與三往來而二不易既不阿諛曲從亦不矯世絕俗合乎中實守其正傳特以不自亂明其得吉之故也

六三眇能視跛能履履虎尾咥人凶武人爲于大君

眇能視不足以有明也跛能履不足以與行也咥人之凶位不當也武人爲于大君志剛也 互離爲目巽眼多白故眇互巽爲股兌毀折之故跛能視能履者履之不處也傳兩言不足足則陽實而爲純乾矣陰虛不足故眇失其本有之明而跛難與共行以應乾也尾亦股象兌口咥之卦之亨在不咥而爻之凶在咥者三之位巽乎初之獨行二之不自亂也然三自姤來爲卦主乃悅而應乎乾者巽利武人之貞乾爲大君武人悅以犯難志應乾剛也

九四履虎尾愬愬終吉

愬愬終吉志行也履尾獨言於二四者三當尾而四乘之也兌嗟  
宜在於四而無嗟象者四已入乾體震爻恐懼愬愬者乾乾也四  
於嗟不嗟未可知臨事而懼乾爻由四以始故要其終乃吉也傳  
於三四言志三不足與行而四已行也

九五夬履貞厲

夬履貞厲位正當也履上下卦易則爲夬夬不言於二而言於五  
者二非卦主而五則當帝位之爻伏坎憂危若蹈虎尾然此乃君  
道之正惟厲乃能不疚也與夬之其危乃光者同也

上九視履考祥其旋元吉

元吉在上大有慶也素履之往至上而終故曰其旋旋象巽風視  
象離目考者成也乾之積善考成於艮爻卦義在亨亨由於元而  
上之元則由二五之貞而進之也慶及天下曰大乾與兌不同者  
在上爻傳故特明其大終也

觀象居易

箋卷第三

觀象居易傳箋卷第四

三三天地交泰。后以財成天地之道。輔相天地之宜。以左右民。上二爻爲天。而坤升於天下。二爻爲地。而乾降於地。中二爻爲人。人爲天地之心。合三才而交象成焉。象取上下相交。而其義則專重上之交。下品物流形之謂道。性命各正之謂宜。裁者乾之剛斷。成者坤之代終。輔者地輔天。相者天相地。易以上爲右。下爲左。左者佐也。右者佑也。佐佑字皆從人。財成輔相。無非佐佑乎民。縱橫言之也。稱后不稱君子。德又有位也。亦不稱先王。道與時行也。

初九拔茅茹以其彙。征吉。

拔茅征吉。志在外也。卦以乾爲君。爻以下爲臣。卦取陽下交。爻取陽上進。臣道在得君以安民。三互震。二自臨。初自復。皆震也。震輦爲茅。反生爲茹。倒艮手而下垂。震動兌現。其象爲拔。三陽又象三茅。茅幹分於上。而茅根結於下。拔則俱拔。彙者草木竇孳之貌也。



以者初以之也。震行爲征。以之者在臣。而拔之者仍在君。則固泰交之君以之也。君子非能自征。但有其志耳。傳言外者。外卦也。坤衆爲民。君子得志。澤加於民也。

九二包荒。用馮河。不遐遺。朋亡。得尙于中行。

包荒得尙于中行。以光大也。治以寬爲本。不寬則其臣救過不暇。而莫能有爲。其民手足無措。而難與遷善。乾二寬居仁行。地有四荒。天包地爲包荒。然非一於含容也。二以坎爻互兌爲河。二在臨互震足。用九涉險。濟之以勇也。陰在外爲遐。坎內光伏。離外光大。明終始。故不遺。照之以明也。臣道利喪朋。坤朋在西南。乾居西北。故亡。處之以公也。合衆美而允執其中。以應五互歸妹。尙猶尙主。乾得地道之光。坤含乾元之大。惟乾之包坤。能備其義。故傳獨舉包荒。明所由得者在坤也。

九三。无平不陂。无往不復。艱貞无咎。勿恤其孚。于食有福。

无往不復。天地際也。乾易故平。知險故陂。往者小也。復者來也。平而陂則亂。往而復則治。平陂者。地之形。往復者。天之氣。三在天地之際。故兼治亂言之。傳獨舉往復者。九三乾體故也。由三而進。爲大壯。爲夬。爲乾。大來未已。如謂泰極將否。非其義矣。乾惕爲艱。乾貞在三。思其艱。守其貞。求无咎耳。所以求无咎者。三四乾坤相接。故俱言乎。四不誠而三勿恤者。心血爲恤。震之恐也。恤字直貫下句。非謂民已孚。不必恤也。不求於民之效。而求於已之身。三居下上。兌口。食祿。乾積善爲福。三之福。卽五之祉。臣受君之福祉。非可倖邀。所當以恐致福也。

六四翩翩不富。以其鄰不戒以孚。

翩翩不富。皆失實也。不戒以孚。中心願也。陽皆實。則象草之羣根連結。陰皆虛。則象鳥之兩翼接飛。陰之有鄰。猶陽之有彙。不富。謂其不實也。巽體近利。又爲命令。陰有求陽之義。傳言失實。正見實。

之不可失。惟陽皆爲陰所願交，故有不待告誡者。由不恤故不誠也。陽之彙乃初以之，陰之隣乃四以之。傳曰：中心願者，四承五，五中以行願，而四與同願，翩翩猶從嫁之女也。

六五帝乙歸妹以祉元吉。

以祉元吉，中以行願也。帝出乎震，帝乙乃水象，兌少女爲妹，女無自歸之理。惟天子之女以降尊而歸，爲得其正。乾爲福祉，坤元在中，爻妹何歸乎？歸於二也。二五皆得中，王姬下嫁，娣姪從之，傳於四日，中心願也。於五日，中以行願也。五中以行而二乃得，尚乎中行也。互卦惟三四兩爻以內爲外，以外爲內，而非陰陽各異者不顯。故於二發尚主之義，於五發下嫁之義，爲其乾易兌陰，坤易震陽耳。秦有歸妹，周公固明以互卦示人矣。

上六城復于隍，勿用師。自邑告命，貞吝。

城復于隍，其命亂也。上居坤上，墨土爲城之象。城乃掘隍而築者，

上體夫而在互震之上。下動上決。故復于隍。否之象也。坤衆爲師。坤上龍戰道窮。故戒以勿用。坤土爲邑。人君所居。若邑夏天邑商。大邑周是也。兌爻爲口。而在天道。君命之象。師行及是而告誡。必自近者始。爻言告命。傳乃言命。亂者城復在後。命亂在先。若告命。則所以挽命。亂於未復者。雖將易亂爲貞而已。不免於吝矣。吝猶未至於凶。然行師之必敗可知也。

三三天地不交。否。君子以儉德辟難。不可榮以祿。泰時兼善天下。否時獨善其身。德無否泰一也。以泰之財成輔相乎上下左右者。較之。則否之獨善爲儉矣。天下無邦。故有難。非儉其德不能避也。德於何見其儉乎。凡人以祿爲榮。每至犯難而不覺榮在得祿。儉在不榮。君子於此有確乎其不可者。非避祿也。乃避難也。

初六拔茅茹以其彙。貞吉亨。

拔茅貞吉。志在君也。拔茅象與泰同。而所以取象者不同。巽蕃鮮。

爲茅茹柔牽爲茹茹遯否皆以巽進爲連茹以彙艮手所以拔也其拔非乾之征乃坤之貞又言亨者必亨乃見其貞也爻得亨者三百八十四爻之中僅有四焉而否爻得其二此與大畜之上九節之六四皆以與卦義相反而特言之泰初曰志在外否初曰志在君皆指外卦坤爲民得志者加澤於民也乾爲君求志者致身於君也

六二包承小人吉大人否亨

大人否亨不亂羣也 坤德承天二應在五二卽泰二之包荒者二爲五所包而順承之曰包承象兼君子小人者小人對乾而言大人德合無疆者也得所包故吉知所承故亨二於羣陰獨以應五得主而不迷其否雖未能離乎羣其亨乃因其能不亂乎羣也

六三包羞

包羞位不當也 三兌爻互巽位進於二而德不稱位乃以事君爲

容悅者幸爲乾陽所包。羞惡之心猶有存也。曰位不當。因有位當者而見也。

九四有命无咎疇離祉

有命无咎志行也。命者天命。四已入乾體。互巽爲命。以能立命而有命也。否四卽泰三。泰必艱貞。乃能無咎。否言有命而卽無咎者。命卽往復之運。陽消至否。上三陽勢欲漸消。否時之天心猶未可知也。三陽爲疇。四與疇類。合志併行。以求福祉。其艱貞不待言矣。此乃命之所以有。而咎之所以無也。

九五休否大人吉其亡其亡繫于苞桑

大人之吉位正當也。否世彫瘵。休息爲宜。爾雅曰。庥蔭也。二小人吉而五大人吉。不獨柔剛之別也。乾五位乎天德。二之大人否亨者。至此已爲大人之吉。其吉何也。陽消則亡。五互巽木。桑火取於季夏。坤位西南。否值七月。藉蔭之時。木如竹箭曰苞。叢生而細弱。

艮手異繩爲繫繫物亦可小休而不足以蔭故心口相度曰其亡其亡也大雅桑柔刺亂而曰將采其劉瘼此下民言桑采則民失蔭而生病蓋必乾乾時惕乃爲吉所由致傳以位言見大人之心如此斯無忝乎居此位也

上九傾否先否後喜

否終則傾何可長也復美詞也而陰以復而亂傾惡詞也而陽以傾而治否泰反類故文亦以反見義否傾在天而傾否在人否終將傾而上猶未離乎否則否其前此者矣陽復自震倒上作下上九當之則喜其後此者矣先否卽其亡之心後喜卽離祉之實不曰後泰曰後喜後笑言啞啞之象也曰何可長深望有傾之者也三三三與火同人君子以類族辨物火性無我必寄於物天之性不可見以命於物而見天火之性不相侔而相合謂之天下有火火在天下不可也謂之火在天中天在火中不可也而又非若雲

雷雷電之連及也。則直謂之天火而亦不可。惟曰天與火其義乃見與者同也。人物之性皆出於天而人爲最靈曰同人二以卦主在人位也。天之用在口日出則光被有別白之象焉。曰爲陽宗稱族爻有等曰物類從其合辨從其分離之大明所以能通天下之志也。

初九同人于門无咎

出門同人又誰咎也。五陽皆人而二同之卦來自姤姤初陰二陽橫於上陰耦於下門象也。初由姤二而下諸陽皆視二爲內初視二則在門之外巽德主入巽陰上進則出矣初二往來疑若有咎初旣外於二且別於衆陽故傳曰誰咎也。

六二同人于宗吝

同人于宗吝道也。爻稱同人者四他爻皆二所同惟二則同者在二而人屬五陽宗者曰爲陽宗非專指五也二爲卦主宜有于野



之亨。乃二以垢遇之。體易離。雖爲外光所寄。而稱陽光者。於陰之質無取焉。衆陽皆爲所應。失從一之義。有若古論宗法。所謂族人一身事四宗。并大宗爲五者。其各在道。卽不向凶而亦吝也。

九三伏戎于莽。升其高陵。三歲不興。

伏戎于莽。敵剛也。三歲不興。安行也。三四皆人道。而爻獨三四不

稱同人。兩卦之交。別體也。三四與二互巽。成疑。遂形爭奪。離戈兵爲戎。巽蕃鮮爲莽。伏亦巽象。巽又爲高。陽剛踞陰土之上。爲陵。巽股互乾。健爲升。合巽二爻爲三。歲巽乃躁卦。故三升而四乘。又爲進退不果。故三不興。四亦弗攻。三之敵剛。敵四也。四之乘墉。乘三也。三在四下。三伏以待之。四在三上。三又升以望之。伏者雖升。未離其地。凡行師必先興師。安行者安所往也。

九四乘其墉。弗克攻。吉。

乘其墉。義弗克也。其吉則困而反則也。墉謂之墉。離剛外圍。墉象。

也。其指二二以三爲塘也。乾戰爲攻。三才以三爲義。三爲二塘。攻三乃是攻二。於義不安。巽不果。故弗克。弗克何遂得吉乎。凡柔乘剛爲難。則剛乘剛亦必困矣。於困而反求天則。則卽義所在也。弗攻同於不與。而四獨得吉者。火爲天之用。卦之兩利在天不在火。故二猶以於宗取吝。四震體善反。但弗攻已得吉也。

九五同人先號咷而後笑。大師克相遇。

同人之先以中直也。大師相遇言相克也。先之號咷以中直者。五動直而二直方。遇合之難。莫如直道。兩直相抗。故二失道而五喪朋。師卽三四之師。所以不與弗攻者。以二五中直。上以直容其下。下以直信於上。二五互姤。斷金之利。卽以中直得之。同人與師旁通。乾爲大。是稱大師。金克木。火克金。相克相遇。明互求而非偏勝也。旣克而遇。則蘭臭致笑矣。火聲無定。故號笑並見。號者克之難。笑者遇之切。舊說以克爲克三四。則凡應爻孰不有兩爻間之哉。

上九同人于郊无悔

同人于郊志未得也。卦外爲郊，同人義取志通，而上在卦外，且下五爻又體同人，而上又在其外，宜若有悔焉者。然郊雖遠，要爲二之所同，安於處外，不必悔也。傳曰：志未得者，志通乃得。此但無悔而已。舊說謂於郊不若於野，夫坤上戰於野，需初需於郊，凡非中爻卽象郊野，初不必泥於爾雅之文。且同人於野，野指五陽，何獨至上而又求野於卦外乎？

三三火在天上，大有君子以遏惡揚善，順天休命。明兩作爲離之本象，其在他卦則惟合地爲明，合雷爲電，其合水山木風澤者皆爲火。同人大有合天宜爲明矣。乃在天下者曰火，而在天上者亦曰火，何哉？日之行天無時不明，特地上之人見其出入耳。日與月皆懸象著明，而天之用全在於日，稱明則其爲功於天者不見。惟曰火而寒暑之所以分，風雨露雷之所由出，百物之所從生，皆火。

也。坎水不能有之，而獨離火有之也。遏惡揚善，卽類族辨物之明。同人二在臣道，故類辨言其德。大有五在君位，故遏揚言其權。中互乾兌，命出於天。天命善不命惡，故曰休命。遏揚皆順乎天，猶之天以生爲德，而寄其溫肅之用者，在火也。

初九无交害，匪咎。艱則无咎。

大有初九无交害也。諸爻皆與五有交如之象，二應四承三同功上自夬往來，而初獨無交。無交而求，則以饑渴之害爲心害矣。初未交孚，亦免交害。緣其不預人事，若老子之學，以自隱無名爲務，而世亦無議其非者。故曰匪咎。但匪咎非卽無咎也。乾初震體，恐乃致福，不艱則不能免咎也。傳於初上，獨繫卦名，卦象上下應之上必極於上，下必極於初，乃見其大。无交者，無所逃於天地之間。自天者，罔不率俾於光天之下也。

九二大車以載，有攸往无咎。

大車以載。積中不敗也。初無交。二應五。則有交矣。交必有往。五迎以車乘坤。爲大輿。厚德載物。有所者。五所在也。必言無咎者。坤車所載。皆乾德之積。凡車中積物漸多。而位置失宜。則偏著而致傾敗。互兌毀爲敗。敗則咎隨之矣。二未入互兌。獨以中德相應。物常處中。故積而不敗。咎所由無也。

九三公用亨于天子。小人弗克。

公用亨于天子。小人害也。三稱公。五稱天子。天之用在日。乾爲天。而離其子也。三於互兌居始。兌口及五。亨自上也。用者。坤用六而以大終。三終內卦。與五同功。故五爲二用也。兌又有小人之象焉。無私之謂公。互兌恐或過於容悅。則邪曲害公。兌毀爲害。艮體止之。故勿克。謂勿使預是亨也。

九四匪其彭。无咎。

匪其彭。无咎。明辨皙也。四最近君。統率諸陽。有行人彭彭之象。彭

似明黨。易以取咎。而兌互離。則辨之者明。曰明又曰哲者。哲乃明之外光。其彭皆以應五。卽其彭皆五有之。匪四有之矣。是咎以明哲而無也。

六五厥孚交如。威如吉。

厥孚交如。信以發志也。威如之吉。易而无備也。五爲上下所應。應由大中。是謂厥孚。中以臨下。下交不瀆。是謂交如。與國人交止於信。而人亦信之。衆志皆五所感發。發乃離火象也。五來自夬決。而互兌和悅。威而不猛。是謂威如。傳曰易而无備者。易對煩苛而言。政煩則多所防備。必至上下相蒙。上驕非威也。下詔非交也。易知易從。以篤恭爲威。則有可久可大之吉。無備者。無爲而治也。

上九自天祐之。吉无不利。

大有上吉。自天祐也。祐之者。祐五也。五自上。易而上在天道之上。以陽覆陰。特言自者。其吉有所自也。卦義元亨。而又義无不利。傳

曰大有上吉。明此天祐者。所以終大有之義於上。其吉非爲上之一爻言也。

三三。地中有山。謙。君子以裒多益寡。稱物平施。坤作成物而物實成。終成始於艮。人知致養乎坤。而不知成言乎艮。艮固有而不居也。是謙之義在艮也。自有宇宙。便有此山。山有峻極於天者。然不得謂山非地。山但以益地之博厚而統歸於地道之無成。是謙象也。陽實而多。陰虛而寡。陽分。乾畫者。裒也。陰成。陽卦者。益也。乾陽主施。稱物者。因物付物。而各正保合焉。所謂平也。

初六。謙謙君子。用涉大川。吉。

謙謙君子。卑以自牧也。艮在坤下。初又在艮下。卦成於三。而初自復三而下。謙而又謙之象也。初與三往來。故與三同稱君子。君子之終。由初以始。三尊而光。初則卑而不可踰也。互坎爲川。震動涉之。不曰利涉。曰用涉者。卦之利俱在外。卦三由初出。初但用三以

涉而不敢自用。坤致養。艮爲身。初惟安於卑。以自養。故不待其終。而吉可信也。

六二鳴謙貞吉。

鳴謙貞吉。中心得也。二在復本。震陰。復三與初。易而二之在中者。不易變動爲止。承震雷之聲。而當坎耳之竅。附三以鳴。其象鳴謙。坎爲心。志二在坎下。下不墜。則坎通。惟二以居中守正而得之。得故吉也。

九三勞謙君子有終吉。

勞謙君子萬民服也。三以艮互震。陷坎勞卦。合艮手。震足以勞身。坎暴以勞心。於謙爲勞謙。勞而不伐。則人皆悅服。萬民指衆陰。吉則象所謂君子有終者。於亨見元吉也。

六四无不利撝謙。

无不利撝謙。不違則也。吉在三。而利及四五。內卦以吉爲亨。亨在



內則利在外矣。不直曰利。而曰無不利。若但可免於不利者。四乘三。疑失謙義。搗於文手。有所爲。艮手互震。動四若聽三之手。搗以爲謙者。搗非與謙遜相違也。陰巽乎陽。正依天則。此非搗謙之致。無不利。乃因無不利之故。而可以搗謙也。

六五不富。以其鄰。利用侵伐。无不利。

利用侵伐。征不服也。五以居尊。不言謙。坤畫虛中。不富。卽謙也。鄰者。五之上下。衆陰。水地相比。比鄰之象。五猶震體。出威於外。二至上體師。侵伐行師之象。用者。用三也。禹征有苗。而益曰。謙受益。侵伐乃不得已之事。故旣曰利用。又曰無不利。君能虛中不富。則雖侵伐亦無不利之處。卽書所謂至誠感神也。三已萬民服。五又征其不服者。陰爲小人。天下不能無不服之小人。所貴有爲民服之大臣也。

上六鳴謙。利用行師。征邑國。

鳴謙志未得也可用行師征邑國也。上之鳴謙與二同皆以在震外而比震也。凡物之動連下不寧極於上之外無事矣。上與三應故欲自鳴其謙然二中心得而上志未得者上隔於坎耳。伏坎無通也其利用三者雖與五同而五之侵伐及遠上惟征邑國之近上於坤爲道窮於震爲乘剛故其用師僅云可耳非若五之無不利也有征無戰其諸修文德以來遠人者乎。

三三雷出地奮豫先王作樂崇德殷薦之上帝以配祖考。雷決地而出震驚不寧何以象和樂哉。雷自收聲伏於地下爲積陰所壓至一陽來復由子及丑動於寅而奮迅於卯雷始有聲矣。雷一發聲而萬物莫不欣欣向榮此豫象也。樂以象德德有美善無非所以崇德用之薦祭德既崇則薦亦盛帝出乎震乾陽爲祖考震合坤互艮震象復艮象剝乾坎值秋冬冬至祀天奉祖以配季秋享帝奉考以配長子主祭聖人作樂以應天用此道也。

初六鳴豫凶

初六鳴豫志窮凶也。豫初即謙上謙可鳴豫不可鳴坤初巽體應

四則如風助雷聲在謙猶志未得在豫則志已窮謙上猶利而豫

初已凶者雷鳴於收聲之後冬行夏令陰倚陽而肆行其志巽爻

爲雞在人則牝雞之晨也。

六二介于石不終日貞吉

不終日貞吉以中正也。六爻惟二得吉二在坤中與四互艮爲石

然四主震動二主坤靜體不相與自無過於逸樂之患靜則慧生

能憂悔吝之介故爲介于石離體象日日昃於三三在中則不終

吉之先見見於知幾六二之動直以方其貞又由於得中也。

六三盱豫悔遲有悔

盱豫有悔位不當也。三近承四體兌悅而互坎下首又在離目之

上凡人首下者其視必仰盱象也小人承顏邀寵若詩言戚施之

不能仰而兼遽條之不能俯其象盱豫於伏離當三日昃而遲矣  
三與二同互艮而盱則介於石之反也遲則不終日之反也雖以  
艮止能悔而德不稱位貪榮祿利其悔已遲遲則悔已無及故傳  
但言其有悔於盱豫而已

九四由豫大有得勿疑朋盍簪

由豫大有得志大行也四來自剝豫由四成是為由豫四之動乃  
順以動者故以一陽行其志於衆陰而志大有得陽剛為大剛實  
為有志行為得坎為心志也又曰勿疑者震互坎艮是有疑象疑  
則不誠不誠未有能動者也震得乾陽而以坤為朋者其動以順  
動也坎為血震上出為髮一陽橫貫陰中猶髮之用簪動艮手以  
盍之傳曰志大行大其不疑也五於衆陰為君不可言朋然大臣  
有為民信而不能無疑於君者惟五尊賢之義有同於朋則民之  
無不信不從可知故盍簪取象元首古冠字作冡象建簪形後加

貝借爲連貫之貫正此義也

六五貞疾恆不死

六五貞疾乘剛也恆不死中未亡也豫之反爲疾書曰有疾弗豫是也五乘四互坎心病易於疾皆取諸巽而此象坎者憂喜生心其疾不在身也疾稱貞者貞卽謙二之貞謙貞吉而豫貞疾者謙承剛而豫乘剛也剝四上往來而五不易貞固之象坤爲土震木旺則土死白虎通曰專勝散故木勝土然木又非土不生四爲五之法家拂土自不至死於安樂也不曰恆生而曰恆不死者凡人生死之故在中不在外五之疾不能去而亦不至死由其中有貞德故於不死而知其生氣未絕於中也中亡則死矣乘剛之益其知險阻於易簡之恆乎

上六冥豫成有渝无咎

冥豫在上何可長也月盈則食上在互坎之外當坎月之晦又自

剝艮而上塵土屬於天際晦冥之象處豫之終不仁者不可以長處樂也卦至上而成物極必反淪者變也上爻變則爲離明而之晉晝其咎以變而無傳曰何可長蓋惟恐其一成不變也

三澤中有雷隨君子以嚮晦入宴息何以不曰澤中藏雷而曰澤中有雷也藏者自外而內也有者自內而外也雷聲之收豈卽收其所發之聲哉陰日長則陽日消冬月盛德在水嫌於無陽而可驗陽生於井水之溫乃其收聲已在正秋之兌有隨帝而入者而後有隨帝而出者君子晝不居內夜不居外自震朝以至兌暮嚮晦也巽入於艮門之內宴息也入夜卧則息如雷鳴澤雷晦息之象也

初九官有渝貞吉出門交有功

官有渝從正吉也出門交有功不失也初自否乾而下長子主器稱官官之所當隨者君也初爲卦主五又爲初之主五非初應於

隨爲變道。初變則爲萃。萃五有位。初所當從。得理之正。故吉也。互艮爲門。初與五皆在門之外。乃其吉。卽在門之出。震動兌現。爲出初上往來。宜有相交之義。然陰居上。非爲官者之所當從也。且遠於門。不止出於門矣。五正中而初從正。臣得君則功可建。五多功。故初有功也。初出門視丈夫。小子之均失者。獨爲不失矣。

六二係小子失丈夫

係小子弗兼與也。二三當互艮之陰。陰小故皆爲小子。初與四皆以震男爲丈夫。變隨言係。三陰所同也。交義相承卽相隨。二承三。三五巽繩爲係。二止艮門之內。而初已出門。故二不能與三。而又與初也。明著其失。此有愧於出門之不失者矣。亦無凶吝者。婦人有夫亡而育子以承宗祧。雖失猶不失也。是亦弗兼與之義也。

六三係丈夫失小子隨有求得利居貞

係丈夫志舍下也。三承四之丈夫。而比二之小子。巽故係艮。故失。

也。陰當隨陽，能得所主，故以隨之義歸之。其得由於求上而求又由於舍下，求舍皆志爲之也。陽實爲得，近承爲有，下兼初二而初陽於二，是三以隨上之震而并下之震亦舍也。但震以在內爲得正，三處震極，舍下恐失其貞，互艮爲居，居貞之利與舍下非有兩義也。

九四隨有獲，貞凶。有孚在道，以明何咎。

隨有獲，其義凶也。有孚在道，明功也。隨之義，有求爲得，無求爲獲。四隨五，陽隨陽也，故亦稱隨。三以求而有得，四則不求而有獲。三惟震動，四則動而悅矣。四與初應，又同震剛，乃初貞吉而四貞凶者，四無私求，亦有貞德。然壅坎之爻，澤不及下，雖有獲在已，不如有功在上。於隨時之義，宜凶也。震兌德合爲有孚，四與五同德，其所孚者皆孚初也。四與初同出否乾，有天道焉。震大塗爲道在者，初所在也。四之下應非隨也，乃孚也。由四有孚，以致五之孚，則初



之功由得四以明之而其功乃著固不徒然有獲矣何咎謂本無咎也義則凶道則何咎道義豈有二哉心迹之不同耳

九五孚于嘉吉

孚于嘉吉位正中也下於上曰交曰求上於下曰孚四與初皆臣也故曰有孚五於初乃君也故直曰孚五四同爲否乾故動悅德自相合嘉者乾之大亨在震五嘉會以合禮而初以嘉謀嘉猷入告也卦惟五與初有吉占初從正而五正中也

上六拘係之乃從維之王用亨于西山

拘係之上窮也隨至上無可隨矣上與初易俱在卦外中互艮手拘之巽繩係之合巽艮之漸進以維之之字皆指初言相易爲從艮巽之象在否已有而於上初無所用自上初往來必歷中爻乃用之也能如是則初主震上主兌自有動而悅者此震稱王兌互艮爲西山爾雅祭山曰貶懸謂以牲幣或埋於山或懸於林艮山

巽木位置上下用亨之象用者乾用九也隨窮於上物窮上反下有不可窮者也

三三山下有風蠱君子以振民育德 艮巽合而巽有風木而象艮在下何以不曰山上有風艮在上何以不曰山下有木哉山上即天上地上也不得更象夫風山下即地中也不得更象夫木故與天風之卦同取於下之有風蓋巽以遇剛而為婚更以戒少男而為蠱此則木之高直不能象之而風之柔入乃象之也且天下遍舉所覆而山下僅言在山抑偏全之不同矣以風之撓萬物者與起其民以山之畜萬物者育養其德蠱之所以天下治也

初六幹父之蠱有子考无咎厲終吉

幹父之蠱意承考也 先震三日至乾後震三日至坤故父象言父母焉蠱必世而後見論世莫切於父子矣凡蠱皆在父母泰之乾坤壞於蠱也象義則專取幹蠱蠱由剛上而成父之蠱也巽木稱

幹艮爲鬼冥門上已在天道之上而下四爻互大過棺槨入地雖父也已稱考矣六子皆爲子乾壞於初而幹於初者卽以蠱未深而易爲力事之幹用命不用庚而初爲巽主兼取諸巽巽以先庚後庚而吉其危卽在巽之用剛上本泰乾之震爻剛固其考之意初能以柔下巽承不忘乾惕厲卽傳所謂意也巽道無初有終成終在艮而終吉又由於厲有子考無咎不必謂歸善於父也

九二幹母之蠱不可貞

幹母之蠱得中道也乾象壞則坤象亦壞故有母之蠱焉而獨言於二者初處乾之震位三四互震獨二無之父蠱所不能幹也坤德安貞一體巽互兌以陰爲始終但可幹母之蠱而於用命之義有未盡恐其未合於中也夫二固有中德者然必知其不可貞而中道乃得蓋中在合初之意承考與三之終無咎而其義乃見也易於二言貞吉者九此履謙豫大壯利貞者三艱此履謙豫大壯利貞者三貞吉者九此履謙豫大壯利貞者三

一益此獨云不可貞則所以治蠱者可識矣

九三幹父之蠱小有悔无大咎

幹父之蠱終无咎也。幹蠱在震九三是矣。而又有悔何也。三在泰本艮爻而成巽體。又互兌連艮。震欲動而巽疑之。兌附決而艮止之。未能奮迅以行。必將悔其所爲。但悔雖有。亦已小矣。小有悔不已。小有咎乎。然以震治蠱。則其始已無大咎。其終且得無咎何也。蠱之元亨在三也。

六四裕父之蠱往見吝

裕父之蠱往未得也。四互兌悅。其憂危不若初之厲。三之悔也。故變幹言裕德之裕者乃益也。四以泰坤之巽爻而互震。亦有風雷成益之象。益而不已必決。四以裕往。能不見吝乎。夫兌現於外。其吝人所共見也。惟巽得艮道之光明。亦能自見其吝。將所謂幹蠱者。二以不可貞爲得。四則以裕爲未得矣。然不曰不得而但云未

得蓋猶幸其往也。若夫晉初以裕進無咎而蠱四以裕往有吝則以晉未受命而蠱往有事耳。

六五幹父之蠱用譽

幹父用譽承以德也。五處震終若初之終吉三之終無咎者至五則蠱已幹矣。五於坤乃美之至者艮光揚於兌口而為譽用者五用震也。初但承其意五則承以德。初五皆承剛有順承之美也。天德在震言德則不但有涉川之才傳亦直曰幹父用譽而無蠱可言矣。

上九不事王侯高尚其事

不事王侯志可則也。上在卦外則無承於父母之象。別取象於王侯蓋父母不能不事而王侯可以不事也。乾為王震為侯上本泰乾之震爻易艮則乾震皆失臣道以艮而止然蠱往者往上也巽為高而極於艮山之上高尚者無所事即以高尚為其事士何事

日尙志傳曰志可則乃備大人之事者初言意上言志卦之成由初上也

三澤上有地臨君子以教思无穷容保民无疆地以內皆水而澤爲止水壅坎不流故以澤視地四圍依附親密其勢相臨浸潤有教之義滋息有養之義講習爲教悅感爲思虛中爲容厚載爲保民獨言於容保者教重於養而不養之民不可以教故養之正爲教之地教但言思以身教耳不遽求諸民也兌以咸臨爲教思坤以敦臨爲容保卦爲兼畫之震震動無有止息故感無窮而厚無疆也思恐其倦於勤故言窮容保恐其遺於遠故言疆陰窮於兌疆分於坤兌合坤有生之義所以能兩無也

初九咸臨貞吉

咸臨貞吉志行正也陽之臨陰非迫以勢乃感以心也臨當丑月於八卦爲艮初二兌體兌艮通澤山之氣蓋臨也而有咸象矣初

爻震體天心見復復之時志未行也至臨剛長則亨矣而初之吉乃在貞者溯復亨之元出於貞也而初固未離於貞也臨主在二故初承二而行正五應二而行中其吉皆與二同

九二咸臨吉无不利

咸臨吉无不利未順命也二之剛其氣卽由初以達故咸臨象同其吉亦同而初言貞二言利初之貞生元二之利以正四德已具此兩爻由是以開泰交之治進爲大壯之利貞夬之利往乾之美利天下無往不利而傳曰未順命者剛長雖由天運而其臨以咸則其志所行時時有天難謀命靡常之懼乃所由无不利之故也

六三甘臨无攸利既憂之无咎

甘臨位不當也既憂之咎不長也兌口承坤互震稼穡作甘其象

甘臨柔變及三正小人道憂之時三乘方長之剛乃以兌悅處位惟耽樂之從陽無不利則陰無所利矣然三在剛柔之交天地之

際泰三艱貞義繫於三故當其甘臨而亦既憂之憂爲甘之反臨之成泰卽成於三咎雖在甘而咎不長於其既憂見之也

六四至臨无咎

至臨无咎位當也 巽在上卦爲當位四得坤初坤之至柔至靜者在四至哉坤元是爲至臨至臨宜吉而但得無咎者五以應卦主而吉四猶互震但以坤體較三之位不當者爲位當耳四之位其要無咎故復四泰四皆取其應剛而必至剛壯於四乃占貞吉也六五知臨大君之宜吉

大君之宜行中之謂也 坤貞於人爲智外坤伏坎而當大冬以水爲智智在全卦而言於五者五應二以柔中應剛中也六居五而稱大君者陰以大終也宜者利物和義二之無不利者皆爲五所有吉何如之傳於三四言位五言行初之志行者至五則既行矣行中言謂者陰皆順應而五獨見爲得宜謂其宜者謂其中也謂



其行中也。

上六敦臨吉无咎。

敦臨之吉志在內也。敦義取諸土爾雅邱一成為敦邱又曰如覆敦者敦邱易凡土象重疊皆謂為敦艮之上重艮也復之五坤又互坤也艮上過艮背之位復五過獨復之位臨上敦臨亦謂四陰而上過於五之應二其應剛之志視正位正應有加焉故初二五之吉三四之無咎上兼得之也初志在行上志在內本末也。

三三風行地上觀先王以省方觀民設教進退乾坤以為十二辟卦其得震艮巽兌者各有二分觀之則雷在地中與雷在天上異也澤上有地與澤上於天異也山附於地與天下有山異也若風乃地氣而為用於天其行於地上者即其自天而下者故姤則自風所被者言之而觀則自被乎風者言之也卦象兼畫之艮艮象人故言民坤土為方巽入為省王者與民相接莫著於省方觀其

奢儉貞淫教由此設時巡四岳卽天行四時之風矣巽陽在天道申命以教臨之教但思深於保民之前觀之教乃顯設於觀民之後朝會始自黃帝故言先王與建國立廟等同也

初六童觀小人无咎君子吝

初六童觀小人道也觀以目視取義初在姤巽爲多白眼遞否消其兩陽獨存眸子眸子有童子之名猶稱鼻祖耳孫也凡孩赤盲動之能皆有漸而不學而能者莫如視初爲陰始其象童觀童於觀不辨雅正然雖無知人之哲亦無求色之荒小人見不及遠雖柔暗而人不咎之君子而不著不察縱未卽凶亦已吝矣傳不及君子者君子無咎之道在五上也

六二闕觀利女貞

闕觀女貞亦可醜也二進於初非童也伏離爲目應五而處艮門之內闕五於門女子之象闕觀疑失女貞然二乃遞二之固志者

艮止其外。利在守貞。但亦僅爲女貞而已。傳曰。亦可醜者。蒙吝之文。而羞其女態也。

六三觀我生進退

觀我生進退。未失道也。陽生於子。陰生於午。故陽謂陰。陰謂陽。俱曰我生。三之觀我生。觀陽爻也。五之觀我生。觀陰爻也。三在下上出處之節。惡不由其道而往。進退乃異象。初於坤。當巽爻。二於互坤。亦當巽爻。三互艮而未入巽體。何象進退乎。蓋消陽之卦。凡陰皆以巽進。三固否之互巽也。三所觀者陽爻。兩陽皆在巽體。三之進退。非三自主。在觀乎我生而已。坤三從王。則進。互艮則退。是有天之神道焉。消陽則道已失。而進退能以陽爲主。故於道猶未失也。

六四觀國之光。利用賓于王。

觀國之光。尙賓也。四以巽主。承五卦主。觀之最切近者。五乃中正。

之王。坤爲國。五。良。光明。君有德。暉。國有聲。名。文物。皆所謂國之光也。四利在觀。陽爲主。則陰爲賓矣。四居衆陰之上。五所尚也。用者。四爲五用也。其利用在率羣陰以承光龍。若司徒之賓興。行人之賓禮。皆是。左傳周史之言。特其一事耳。

九五觀我生。君子无咎。

觀我生。觀民也。五爲設教之聖人。民皆賴君以生者。故在卦爲觀天下。而在爻則爲觀我生。傳更明之曰。觀民四陰。皆以小人觀君子。五則以君子觀小人也。其道甚大。而僅得无咎。一夫不獲。堯舜猶病。故下觀而化。小人之无咎。易大觀在上。君子之无咎。難也。上九觀其生。君子无咎。

觀其生。志未平也。上亦大觀在上者。不曰我生日其生。上無位無民。則無觀民設教之任。特以神道在已。有其志焉耳。而傳曰。志未平者。孔孟之懼。與堯舜之憂。同也。道不及於孔孟。卽有歉於爲君。

子而何以立於無咎之地哉。

觀象居戶傳箋卷第四